

## CAMPAMENTO DE VERÁN SURF CAMP

A Concellería de Xuventude preséntase como eixe no que se vertebran unha serie de propostas destinadas a prestar servizos plurais e accesibles á cidadanía máis moza e ás súas expresións organizadas así como instrumentos para facilitar o desenvolvemento das relacións interpersoais, con fórmulas dirixidas á práctica dun lecer creativo, de actividades de educación non formal e con recursos e oportunidades para fomentar a participación cidadá activa.

O Campamento de Verán Surf Camp, ten como finalidade ofertar actividades vencelladas ao disfrute do lecer e tempo libre no período estival no que os mozos e mozas gozan das súas vacacións, ofrecendo deste xeito un lecer alternativo vinculado á práctica deportiva, ao coñecemento do patrimonio cultural, ao contacto coa natureza, así como á convivencia con outros mozos e mozas de idades semellantes.

### TIPOLOXÍA DAS ACTIVIDADES

As actividades programadas organízanse en torno a diversos eixes temáticos como son o xogo, o deporte, a saúde e a calidade de vida, o coñecemento e a cultura, conservación e respecto da natureza e a participación dos máis novos.

O Campamento de verán Surf Camp é un campamento de mar por excelencia, onde se mesturan as prácticas dos deportes náuticos con actividades de coñecemento da flora e fauna mariña. É un campamento que require un esforzo físico constante debido á práctica continuada do deporte.

Entre outras, realizaranse as seguintes actividades:

- Surf
- Paddel Surf
- Kaiak-surf
- Bodyboard
- Snorquel con scooter
- Travesía en Kaiak
- Sendeirismo
- Xeocatching con GPS
- Varias visitas (ás illas Cíes, entre outras)

### PARTICIPANTES

O público destinatario das actividades son os mozos e mozas empadroados no Concello de Santiago, con idades comprendidas entre os 14 e os 17 anos prioritariamente. No caso de quedar prazas vacantes atenderanse outras solicitudes.

#### LOCALIZACIÓN DAS ACTIVIDADES

As actividades desenvolveranse nun albergue xuvenil situado no Concello de Cangas do Morrazo. O albergue atópase no Colexio Eduardo Pondal, unhas instalacións moi axeitadas para facer un campamento de verán a carón do mar xa que se atopa a 500 metros da praia de Liméns.

#### DATAS DE REALIZACIÓN

O campamento de verán Surf Camp, desenvolverase en dúas quendas:

1ª Quenda: Do 3 ao 10 de xullo

2ª Quenda: Do 13 ao 20 de xullo

Cada participante só poderá participar nunha das quendas, agás que queden prazas dispoñibles, que poderían participar nas dúas quendas

#### PREZO

PARTICIPANTE	PREZO
Participante ordinario	120,00 €
*2º Irmá/n e/ou familia numerosa	100,00 €

*\*No caso de que participe un segundo irmán ou irmá pero que non se trate de familia numerosa, aplicarase o desconto ao 2º irmán ou irmá. No caso de que participe un mozo/a de familia numerosa, aplicarase o desconto. Si participa máis dun membro de familia numerosa, o desconto aplicarase a todos os membros.*

#### PREINSCRICIÓN

Mediante o impreso correspondente, debidamente cuberto, a entregar no Rexistro Xeral do Concello de Santiago.

Para o Campamento de Verán Surf Camp, cada persoa poderá meter un máximo de 2 solicitudes, agás no caso de que sexan irmáns que poderán meter tantas solicitudes como participantes.

As prazas serán cubertas por rigoroso orde de preinscrición, tendo prioridade para participar os mozos e mozas de 14 a 17 anos (ou que cumpran 14 anos no ano en curso) empadroados no Concello de Santiago.

**Lugar:** Os impresos presentaranse no Rexistro Xeral do Concello de Santiago

**Datas:** Do 15 de maio ao 9 de xuño

**Horario:** en días laborables de 9 a 14 horas

As prazas serán cubertas por rigoroso orde de preinscrición

#### INSCRICIÓN

Unha vez confirmada a praza pola Concellería de Xuventude, informarase aos participantes sobre o procedemento para formalizar a inscrición.